



Publicaziuns dalla vischnaunca, jamna 10

Resultats dallas votaziuns communalas dils 3-3-2024

Diember dils votants: 1460
Participaziun alla votaziun: 65.3%

Reducir il pei da taglia sin las entradas e sin la facultad 2024 da 110% sin 99%

Dau giu cedels: 953
Cedels vits: 9
Cedels nunvaleivels: 2
Total cedels vits e nunvaleivels: 11
Cedels valeivels: 942

Gie: 726 (77%)
Na: 216 (23%)

Approbar la revisiun parziala dalla planisaziun locala «Explotaziun da crappa Ragisch»

Dau giu cedels: 910
Cedels vits: 21
Cedels nunvaleivels: 8
Total cedels vits e nunvaleivels: 29
Cedels valeivels: 881

Gie: 687 (78%)
Na: 194 (22%)

Dretg da recuors

Sebasond sin art. 37 dalla lescha communal da davart ils dretgs politics sa vegnir recurriu encunter las votaziuns communalas dils 3 da mars 2024 enteifer 3 dis dapi ch'il motiv da recuors ei vegnius constataus, sil pli tard denton il tierz di suentar la publicaziun uffiziala dils resultats. Il recuors ei d'inoltrar alla suprastonza communal.

Suprastonza communal

Damonda da baghegiar

2024-1012.000

Datum dalla publicaziun: 8 da mars 2024

Patrun: Vischnaunca Disentis/Mustér
Corporaziun d'aua Spina da Vin
7180 Disentis/Mustér
Representant: IPZ ingenieure + planer ag, Via Lucmagn 7, 7180 Disentis/Mustér
Intenziun: Novas lingias da provediment; aua da beiber, canalisaziun, illuminaziun publica, tensiun aulta, scaldament lontan
Parcella: Diversas parcelas
Adressa: Funs/Via Sontga-Catrina, 7180 Disentis/Mustér
Zona: Ulteriur territori communal, zona da habitar, zona dil vitg engrondida
Zona da prighel: Zona blava (parzialmein)

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér



Cussegl da vischnaunca – Rapport dalla seduta digl 1. da mars 2024

Approbau dretg da construcziun per Ovra Solara Magriel

Venderdis, igl 1. da mars 2024 ha giu liug en halla Cons la 30avla seduta dil cussegl da vischnaunca dalla perioda d'uffeci 2021/2024. El center dalla seduta ein stai il contract pil dretg da construcziun denter la vischnaunca e l'Ovra Solara Magriel sco era il contract da concessiun dil dretg dallas auas denter la vischnaunca e las Pendicularas Mustér SA. Il cussegl da vischnaunca ha approbau cun 12 encunter 1 vusch il contract pil dretg da construcziun. Plinavon ei Rafael Maissen vegnius saramentaus sco niev cusseglier da vischnaunca.

Sut l'egida dil **president dil cussegl da vischnaunca Ignaz Venzin** ei vegniu approbau venderdis sera il contract pil dretg da construcziun denter la vischnaunca da Mustér e l'Ovra Solara Magriel AG cun sedia a Mustér. Ils 22 d'october 2023 ha il suveran da Mustér concediu all'Ovra Solara Magriel cun 66% la lubientscha per la realisaziun d'in stabiliment fotovoltaic da gronda dimensiun sigl intschesch dall'Alp Magriel. Al messadi per la votaziun all'urna digl october 2023 ei era stau aschuntau la cunvegna d'intenziun. La basa per la cunvegna d'intenziun ei stau il stan da planisaziun e projectaziun digl atun 2023. Plinavon cuntegn la cunvegna d'intenziun las finamiras tenor las qualas la collaboraziun denter ils partenaris dall'Ovra Solara Magriel e la vischnaunca duessen succeder. Cun excepziun dils fatgs technics han tuttas cundiziuns generalas stipuladas ella cunvegna d'intenziun (finanzialas) saviu vegnir surpridas, schegie che la situaziun sin la fiera dall'electricitad ei semidada eclatantamein en disfavour dils producents d'energia electrica. El decuors dils davos meins han ils inschigniers el rom dallas enconuschientschas concernent prighels dalla natira, objects dalla natira (specialmein palius) e novas enconuschientschas pertuccont ils indrezs technics stuiu adattar e surluvrar il project. Aschia han ins stuiu preveder novs moduls da produczion ed igl ei stau necessari d'adattar la surfatscha tangada entras il project. Cun l'approbaziun dil contract pil dretg da construcziun ei l'ovra che cuosta circa 45 milliuns francs e producescha rodund 14 uras gigawat vegnida in pass pli datier alla realisaziun. Ils representants dall'Axpo Solutions AG han a caschun dalla seduta dil parlament communal presentau il stan actual dallas lavurs da planisaziun e projectaziun. Igl ei previu d'inoltrar la damonda da baghegiar el decuors dil secund quartal 2024. La decisiun dil cussegl da vischnaunca vegn el senn dallas prescripziuns digl art. 32 lit. e dalla constituziun communal sutta messa ils 14 d'avrel 2024 alla votaziun all'urna.

Plinavon ha il cussegl da vischnaunca tractau il contract da concessiun dil dretg dallas auas (Wasserrechtsverleihung) denter la vischnaunca da Mustér e las Pendicularas Mustér SA. Cun il contract da concessiun per l'utilisaziun dallas auas vegn concediu allas Pendicularas il dretg da retrer aua per la produczion tecnica da neiv cumbinai cun la pusseivladad da producir energia electrica. En quei connex ha ei dau ina vasta discussiun cun bia damondas. Aschia ha il cussegl da vischnaunca decidiu da tractar a fin quella fatschenta en ina secunda lecziun. Il messadi al cussegl da vischnaunca vegn adattaus alla discussiun occurrada.

Suprastonza communal

Serrada dalla via Sogn Antoni

Muort lavurs da transport da lenna cun helicopter ord igl uaul dils Stocs e transports da lenna vegn la via Sogn Antoni ad esser serrada pil traffic motorisau sco era per pedunzs. Las lavurs han prevedentamein liug naven da gliendisdis ils 19-02-2024 e cuozan pli u meins 10 dis (dependent dall'aura). Il temps detagliu digl impediment vegn affischaus el liug. Igl access a Cavardiras ei pusseivels durant quei temps sur Brulf. Per damondas urgentas eis ei da contactar il selvicultur Simon Cathomen, Telefon; 081 920 36 41.

Bien engraziament per l'enconuschientscha e capientscha.

Uffeci forestal Disentis/Mustér



Lenna da brisch

Damondas per lenna da brisch ein da far **en scret entochen ils 5 d' avrel 2024** agl uffeci forestal dalla vischnaunca da Mustér, Simon Cathomen, Gassa da Cuo 1, 7180 Disentis/Mustér ni per e-mail; uaul@disentis.ch. Per plascher indicar il sortiment giavischau ed il quantum. Sin giavisch vegn la lenna era furnida franco a casa. Il formular d'empustaziun sa vegnir cargaus giu silla pagina d'internet sut www.disentis.ch/uaul.

Lenna sin il tschep vegn mo vendida sche las premissas pertuccont scolaziun minimala da luvrers d'uaul ein garantidas. La cumpra da lenna sin il tschep sto vegnir reglada en in contract da cumpra.

Uffeci forestal Disentis/Mustér

Scola populara Mustér

Dis dallas portas aviartas

Mesjamna, ils 20 da mars 2024

07.45 - 11.10 (12.00)

Gievgia, ils 21 da mars 2024

07.45 - 16.15

Venderdis, ils 22 da mars 2024

07.45 - 16.15

La scoletta e la scola da Mustér envidan ils geniturs e tuts interessai da dar in sguard en nossas stanzas da scola. Per evitar malruaus giavischein nus da visitar l'entira lecziun.

Cordial beinvegni e sin bien seveser.

Oz en biblioteca!

Kino da cudischs da maletgs cun Mats, la miur Has ti plascher da vegnir en biblioteca e tedlar marvegliusas historias ord cudischs da maletgs? **Venderdis, ils 8 da mars 2024** allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrenza ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna. Nus selegrein zun fetg sin tei.

Mats, la miur ed il team dalla biblioteca populara Disentis/Mustér e contuorn

Corporaziun da meglieraziun e manteniment «Squadra Segnas»

Radunonza generala, venderdis ils 15 da mars 2024,

allas 20.15, ell'Ustria Cresta Segnas

Tractandas:

1. Beinvegni
2. Elecziun d'in dumbravuschs
3. Prelecziun ed approbaziun dil protocol
4. Render quen e rapport dils revisurs
5. Orientaziun
6. Cunvegna da prestaziun cun la vischnaunca Disentis/Mustér
7. Problematica coss a Segnas / damonda da susteniment - decisiun
8. Taxas annualas



9. Elecziuns:
– president
– actuar
– cassier
– dus revisurs da quen
10. Program da lavur
11. Varia

A stedia partizipaziun envida
la suprastonza

Pleiv s. Gions e pleiv reformada dalla Cadi

Di da suppa

Dumengia, ils 10 da mars 2024 organiseschon las duas pleivs comunablamain in di da suppa. Allas 10.30 ei messa a s. Gions, silsuenter ein tuts envidai ad in sempel gentar en halla Cons. Il recav da quei di va en favur dalla KITA Lumpazi Mustér. Ei fagess plascher da saver beneventar biars vischins tier quei di da solidaritad.

Ludoteca Disentis/Mustér e contuorn

Sera da giugs en ludoteca, mesjamna, ils 13 da mars 2024, 19.00–21.00.
Cordial beinvegni.

Uniun da dunnas Disentis/Mustér

Invitaziun alla radunonza generala, mardis, ils 19 da mars 2024, 19.00 el hotel Alpsu.

Bugen envidein nus tei en alla radunonza generala dall'Uniun da dunnas Mustér cun ina tscheina comunabla.

Impurtont! Muort motivs organisatorics supplichein tei da far tia annunzia/demissiun sut il suandont link www.uddm.ch/gv ni tier la presidenta Leslie Flury, tel. 079 504 62 95 entochen ils 13 da mars 2024

Tractandas:

1. Elecziun da duas dumbravuschs
2. Rapport annual dalla presidenta
3. Rendaquen e rapport dallas revisuras
4. Contribuziun annuala e preventiv
5. Program 2024
6. Undraziuns
7. Elecziuns (co-presidenta, cassiera)
8. Varia

Cordials salids e tochen gleiti
la suprastonza

Einladung zur Generalversammlung, Dienstag, 19. März 2024 um 19 Uhr im Hotel Alpsu.

Gerne laden wir Dich, zur Generalversammlung der Uniun da dunnas Mustér mit gemeinsamen Nachtessen, ein.

Wichtig! Aus organisatorischen Gründen bitten wir Dich, um eine Anmeldung/Abmeldung bis am 13. März 2024 unter folgendem Link www.uddm.ch/gv oder direkt bei der Präsidentin Leslie Flury Tel. 079 504 62 95



Traktanden:

1. Wahl Stimmzählerinnen
2. Jahresbericht der Präsidentin
3. Jahresrechnung und Revisionsbericht
4. Mitgliederbeitrag und Budget
5. Programm 2024
6. Ehrungen
7. Wahlen (Co-Präsidentin, Kassierin)
8. Varia

Herzliche Grüsse und bis bald
Der Vorstand

Fiera da resti d'affon

Nus prendein encunter bien, schuber ed entir resti da stad tochen grondezia 176, vestgadira da gravidonza, termagls, calzers, sezs d'autos e da meisa, crotschas, velos, capellinas eav. Dunnas che drovan ina nova numera, ni han damondas san prender si contact cun Isabel Sac, tel. 076 501 76 51.

Dar giu resti: Venderdis, ils 22 da mars 2024 dallas 16.30 entochen allas 17.00 en halla Cons, Mustér
Adatg: per plascher mintga grondezia da resti separau en ina tastga!

Vendita: Venderdis, ils 22 da mars 2024 dallas 19.00 entochen allas 21.00 e sonda, ils 23 da mars 2024 dallas 09.00 entochen allas 10.30 en halla Cons, Mustér.

Retuorn dil resti buca vendiu e pagament (minus 20%): Sonda ils 23 da mars 2024 allas 12.30 entochen allas 12.45.

Per uorden che maunca savein nus surprender negina responsabladad.

Nus selegrein sin vossa viseta

Kinderkleiderbörse

Wir nehmen gut erhaltene, saubere und ganze Sommerkleider bis Grösse 176 entgegen, Schwangerschaftskleider sowie Spielsachen, Schuhe, Auto- und Tischsitze, Kinderwagen, Velos, Helme usw. Frauen, die eine Nummer brauchen oder Fragen haben, können mit Isabel Sac, Tel. 076 501 76 51 kontakt aufnehmen.

Annahme: Freitag, 22. März 2024 von 16.30 Uhr bis 17.00 Uhr in der Turnhalle Cons, Disentis
Achtung: Bitte jede Kleidergrösse separat in eine Tasche!

Verkauf: Freitag, 22. März 2024 von 19 bis 21 Uhr und Samstag, 23. März 2024 von 9 bis 10.30 Uhr in der Turnhalle Cons, Disentis.

Auszahlung (abzüglich 20%) und Rückgabe: Samstag, 23. März 2024 von 12.30 bis 12.45 Uhr.
Für fehlende Sachen können wir keine Haftung übernehmen.

Wir freuen uns auf euren Besuch
gruppa d'organisaziun fiera da resti

Uniun da gimnastica UGM

Invitaziun alla radunonza generala, venderdis ils 15 da mars 2024 allas 19:30 el Hotel Alpsu.
Sunter la radunonza vegn offeriu l'usitada tscheina.

La suprastonza
